

Bosna i Hercegovina
Federacija Bosne i Hercegovine
Tuzlanski kanton
Općina Banovići
OPĆINSKI NAČELNIK

Broj: 01-04-395 /20

Datum: 09.03. 2020.godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06), člana 34. Zakona o radu („Službene novine Federacije BiH“, broj 26/16 i 89/17), člana 43. Statuta općine Banovići („Službeni glasnik općine Banovići“, broj 2/20) i člana 4. Odluke Općinskog vijeća Banovići o obavljanju stručnog osposobljavanja bez zasnivanja radnog odnosa („Službeni glasnik općine Banovići“, broj 2/20), Općinski načelnik, objavljuje

JAVNI POZIV
za angažovanje lica za obavljanje stručnog osposobljavanja bez
zasnivanja radnog odnosa

I

Pozivaju se nezaposlena lica visoke stručne spreme svih struka sa područja općine Banovići, koja su evidentirana kod JU Služba za zapošljavanje Tuzlanskog kantona - Biro za zapošljavanje Banovići, a nemaju radno iskustvo u struci, da se prijave za obavljanje stručnog osposobljavanja bez zasnivanja radnog odnosa radi njihovog osposobljavanja za samostalan rad odnosno sticanje uslova za polaganje odgovarajućeg stručnog ispita.

II

Lica će se angažovati u pravnim subjektima (organima i institucijama, javnim ustanovama, javnim preduzećima kao i privrednim društvima) na području općine Banovići kao i drugim pravnim subjektima sa područja Tuzlanskog kantona koji su zainteresovani za angažovanje istih, a sa kojima će općina Banovići zaključiti ugovor o angažovanju lica u svrhu stručnog osposobljavanja bez zasnivanja radnog odnosa.

Pojedinačne ugovore sa svakim licem zaključit će pravni subjekti koji budu angažovali ista za obavljanje stručnog osposobljavanja za bez zasnivanja radnog odnosa.

III

Javni poziv je otvoren u kontinuitetu od 11.03.2020.godine do 30.11.2020.godine odnosno do utroška novčanih sredstava planiranih Budžetom općine Banovići za 2020. godinu za pomenutu namjenu.

Javni poziv bit će objavljen na web stranici općine Banovići i na Oglasnoj ploči općine Banovići.

IV

Pravo prijave na Javni poziv imaju sva lica sa završenim VII stepenom stručne spreme, odnosno visokim obrazovanjem prvog, drugog ili trećeg ciklusa Bolonjskog sistema studiranja koji nisu imali stručno osposobljavanje bez zasnivanja radnog odnosa do sada nakon sticanja visoke stručne spreme, koja imaju prebivalište na području općine Banovići i koja su prijavljena kao nezaposlena lica na evidenciji JU Služba za zapošljavanje Tuzlanskog kantona – Biro za zapošljavanje Banovići.

V

Stručno osposobljavanja za bez zasnivanja radnog odnosa traje najviše 1 (jednu) godinu.

VI

Uz popunjeni Prijavni obrazac kandidati su dužni dostaviti sljedeću dokumentaciju (original ili ovjerenu fotokopiju):

1. Dokaz o stručnoj spremi (fakultetska diploma) – (Nostrificirana ukoliko fakultet nije završen u BiH),
2. Uvjerenje o prebivalištu (Obrazac PBA 4, izdaje se u MUP-u), (ne starije od tri mjeseca),
3. Uvjerenje JU Službe za zapošljavanje Tuzlanskog kantona-Biro za zapošljavanje Banovići da se lice nalazi na evidenciji nezaposlenih osoba (ne starije od tri mjeseca).

VII

Licima koja budu angažovana na stručnom osposobljavanju bez zasnivanja radnog odnosa utvrđena je naknada u neto iznosu na ruke od 200,00 KM (dvije stotine konvertibilnih maraka), i imaju pravo po osnovu osiguranja za slučaj povrede na radu i profesionalnog oboljenja koje osigurava općina Banovići u skladu sa propisima o penzijskom i invalidskom osiguranju.

VIII

Dokumentaciju iz tačke VI Javnog poziva zainteresirana lica mogu dostaviti neposredno putem Centra za pružanje usluga građanima (Šalter sale) općine Banovići ili putem email adrese info@banovici.gov.ba, s tim da dokumentacija koja se predaje u originalu ili ovjerenoj fotokopiji mora biti skenirana i priložena u navedenoj formi.

IX

Proceduru angažovanja lica za obavljanje stručno osposobljavanja bez zasnivanja radnog odnosa po objavljenom Javnom pozivu, vršit će Služba za opću upravu, geodetske, imovinsko pravne poslove i katastar.

Nepotpune prijave neće biti razmatrane.

